

ствуют, но в ином обитании прощение ли дасться им. Ответ: 5 правила убо, яко же многажды рехом, и 57 глава прьвья грани третья книги царств заповедуютъ освященному некоему з зазорною женою не съжителствовати, кроме матери и дщери и сестры и иных незазорных лицъ. 50 же 7 глава тоа грани, часть сущая, 137-го Устинианова установления глаголетъ сиа яве: Епископу же никоеа отнудь жены имети или с нею обитати попушаем; аще же объявится сие творя, да извержется от епископства.²⁹ Аще убо епископ прости събитая с женою с какою же нибуди извержется, множае паче и ||[†] же в епископии таково нешто сътворит, скоро да извержется, яко же мне видится безъ всякого разсужения. а. 323 об.

Но 15 глава перьвья грани, четвертая книги царств запрещаетъ не токмо пребыти жене в монастыре мужьском, или обратно, но ни отнудь внити в него коеа ради потребности. Смотри же правила, глаголющее, яко ни раба³⁰ ни свободная с епископом или игуменом съжителствовати коеа ради вины не подобаетъ, но яже речена суть о женах, бывающих в монастырех, прости разумеются, в приградних властию пристоящих епископии или монастырем, аще бо они гостиньствовати будут в гостиницах или в чюжих приградних немощно есть, яко же мню заповедь правила съблюсти.

Третья редакция канонического трактата

Полный вид: Владимирский областной краеведческий Музей, В 5636/399, Кормчая Суздальского Спасо-Евфимиевского монастыря, в лист, вторая половина XVI века, полуустав, лл. 509 об.—525. Список взят за основной.

Неполный вид: Библиотека СССР им. В. И. Ленина, Волоколамское собрание, № 566, сборник, в 4-ку, середина XVI в., полуустав, лл. 207—212 (В); Библиотека СССР им. В. И. Ленина, собрание Ундольского, № 573, сборник, в 8-ку, вторая половина XVI в., полуустав разных рук, лл. 350—357 (У).

¹ Събрание некоего старца на воспоминание своего обещания. О отвержении² мира, яко же пишет в житии святаго Савы.

Въдавый³ бо себе богови⁴ и вручив ся честному житию, и печатлев свою душу целованиемъ святаго Евангелия пред многими послухы и прикоснувся десною рукою на поручение⁵ честнаго послушания к своему игу-

[†] На нижнем поле л. 323 киноварью написано три поучения.

²⁹ Так Т; в рукоп. доб. да извержется. ³⁰ рабы Т.

¹⁻⁵ Предисловие Василиа Нагова новаго чюдотворца. Молим тя, владыко святый, почитаа сиа стихове, не порци тяжести на многогрешную мою душу, и про се ми да не позазрит твое святителство, яко дръзную выше моеа меры, не имущу ми разум, но удобных словес на словословие божие и на похвалу преподобнаго, иже отемнену ми имущу съвесть и ум грехми не возможно бо о освященный вершене о пернатве птенцу по высоте летати. Сие и мне, невежи сущу, възлетети на высоту божественаго разума невъзможно. От тебе, великаго пастыря, наказания неприемшу, но с помощью божиею и преподобнаго молитвами, и твоего благославения великаго святителя на главе моей грешной нося, коснухся писати и доселе слово скончах, не богу умаливши, но у мене разуму оскудевшу, мнози бо велика и чюдна похваления принесоша богу и того угоднику, но от избытка ума своего. Аз же от лишена разума елико имех, молю у тя, о владыко святый, аще косно всех обрящеши, да исправиши, а не в зазор положи, владыко, моа грубаа словеса. Да о сем много молю, преклонив главу, купно и колени сердца моего. Да помянеши раба своего, владыко, в священных молитвах к богу. Аминь. У. ² утвержении В. ³ Воздавый В. ⁴ господеву В.